



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Broj: 01/09-04-5511-1/22
Sarajevo, 22.07.2022. godine

GRADSKO VIJEĆE
n/r Jasmin Ademović, predsjedavajući

PREDMET: Odgovor na vijećničko pitanje predsjedavajućeg Gradskog vijeća Grada Sarajeva
Jasmina Ademovića

Na 17. sjednici Gradskog vijeća Grada Sarajeva, održanoj 29.06.2022. godine, predsjedavajući Gradskog vijeća Jasmin Ademović uputio je i obrazložio vijećničko pitanje sljedećeg sadržaja:

„Koje su prepreke da Grad Sarajevo donese novi gradski propis kojim će se urediti upravljanje vodotocima prenesenim u nadležnost Gradu Sarajevo, u skladu sa Zakonom, te kada će biti moguće predložiti Gradskom vijeću odlučivanje o povjeravanju poslova redovnog održavanja vodotoka iz nadležnosti Grada Sarajeva Javnom preduzeću „Sarajevo“ d.o.o.?”

U skladu sa traženim, dostavljamo sljedeći odgovor:

Zakonom o vodama Kantona Sarajevo („Službene novine Kantona Sarajevo“, broj 18/2010), u članu 9. propisano je da Gradsko vijeće donosi Odluku o načinu i drugim pitanjima od značaja za održavanje i čuvanje zaštitnih vodnih objekata na vodotocima II kategorije i uređenih korita u urbanim područjima na površinskim vodama I kategorije.

Trenutno je u primjeni Odluka o korištenju, održavanju i čuvanju uređenih korita i obala vodotoka na području Grada Sarajeva („Službene novine Kantona Sarajevo“, broj 2/2007), a donesena je na osnovu Zakona o vodama Kantona Sarajevo („Službene novine Kantona Sarajevo“, broj 16/2000).

U vezi sa navedenim, postoji opravdana potreba da se predmetna Odluka uskladi sa važećim Zakonom o vodama i da se istom urede sva pitanja od značaja za upravljanje i održavanje uređenih korita vodotoka iz nadležnosti Grada Sarajeva. Međutim, kako su u toku izmjene i dopune Zakona o vodama Kantona Sarajevo, cijenimo opravdanim sačekati stupanje na snagu istih.

Prema informaciji dobivenoj od resornog Ministarstva privrede Kantona Sarajevo, na dnevnom redu naredne sjednice Skupštine Kantona Sarajevo trebalo bi biti razmatranje i donošenje izmjena i dopuna Zakona o vodama Kantona Sarajevo.

Prema tome, postoji potreba i zakonska osnova za donošenje nove Odluke o načinu i drugim pitanjima od značaja za održavanje i čuvanje zaštitnih vodnih objekata na vodotocima II kategorije i uređenih korita u urbanim područjima na površinskim vodama I kategorije, tako da će se u narednom periodu, a najkasnije do kraja tekuće godine, Gradskom vijeću dostaviti prijedlog odluke.

Pomoćnica gradonačelnice

Merima Arifhodžić, s.r.

Gradonačelnica

Doc. dr. Benjamina Karić, s.r.

Dostaviti:

- naslovu
- evidencija
- a/a

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba

